

Na osnovu člana 90. Zakona o zdravstvenom osiguranju ("Službene novine Federacije BiH", broj 30/97 i 7/02), na prijedlog Vlade Federacije Bosne i Hercegovine, Parlament Federacije Bosne i Hercegovine, na sjednici Predstavničkog doma od 18. novembra 2008. godine i sjednici Doma naroda od 19. marta 2009. godine, donio je

ODLUKU
O MAKSIMALNIM IZNOSIMA NEPOSREDNOG UČEŠĆA OSIGURANIH LICA U
TROŠKOVIMA KORIŠTENJA POJEDINIH VIDOVA ZDRAVSTVENE ZAŠTITE U
OSNOVNOM PAKETU ZDRAVSTVENIH PRAVA

I.

Ovom Odlukom utvrđuju se:

1. maksimalni iznos neposrednog učešća osiguranih lica (u daljnjem tekstu: participacija) u troškovima korištenja pojedinih zdravstvenih usluga utvrđenih obimom prava obaveznog zdravstvenog osiguranja iz člana 32. Zakona o zdravstvenom osiguranju ("Službene novine Federacije BiH", br. 30/97 i 7/02), kao i drugih prava iz obaveznog zdravstvenog osiguranja na teritoriji Federacije Bosne i Hercegovine (u daljnjem tekstu: Federacija);
2. osigurana lica koja se oslobađaju participacije;
3. osnov, vrijeme i način uplate sredstava participacije;
4. obaveza iskazivanja priliva sredstava participacije po ovom osnovu, i
5. druga pitanja od značaja za provođenje ove Odluke.

II.

Sredstva ostvarena na osnovu participacije iz tačke I podtačka 1. ove Odluke su prihodi zavoda zdravstvenog osiguranja u Federaciji i evidentiraju se posebno, u okviru ostvarenih prihoda zavoda zdravstvenog osiguranja.

III.

Osigurana lica plaćaju participaciju u iznosima koji su utvrđeni Pregledom učešća osiguranih lica u troškovima plaćanja participacije, osim ako nisu oslobođeni plaćanja participacije po drugom osnovu, a koji je sastavni dio ove Odluke (Prilog).

IV.

Vlada kantona, na prijedlog kantonalnog ministra zdravstva, može odrediti i niže iznose participacije od navedenih iznosa u ovoj Odluci, ukoliko za to obezbijedi sredstva.

V.

Od plaćanja participacije oslobođena su sljedeća lica:

- djeca do navršene 15. godine života, učenici i redovni studenti do navršene 26. godine života,
- žene u ostvarivanju zdravstvene zaštite u vezi trudnoće i materinstva i korisnice zdravstvenih usluga u svezi s prevencijom karcinoma dojke i karcinoma maternice,
- vojni invalidi sa utvrđenim invaliditetom od 60% i više,
- civilne žrtve rata i invalidi sa utvrđenim invaliditetom preko 60%,
- članovi porodica šehida odnosno članovi porodica poginulih ili umrlih boraca od posljedica ranjavanja, a koji su bili pripadnici Vojske Federacije Bosne i Hercegovine,
- penzioneri čija penzija ne prelazi iznos minimalne penzije prema posljednjem objavljenom podatku,
- lica starija od 65 godina, ako nisu korisnici penzije ili drugih mjesečnih prihoda preko iznosa minimalne penzije prema posljednjem objavljenom podatku,

- osigurana lica - štićenici socijalnih ustanova,
- osigurana lica - korisnici socijalne zaštite,
- raseljena lica i izbjeglice, ako nisu korisnici penzije ili ako im drugi mjesečni prihod ne prelazi iznos minimalne penzije prema posljednjem objavljenom podatku,
- osigurana lica koja su dobrovoljni davaoci krvi, i to lica koja su darovala krv 10 i više puta,
- osigurana lica - darovatelji dijelova ljudskog tijela u svrhu liječenja,
- osigurana lica koja su prijavljena kod zavoda za zapošljavanje u svojstvu nezaposlenog lica.
- Od plaćanja participacije oslobođena su osigurana lica koja boluju od sljedećih bolesti, i to samo za korištenje zdravstvene zaštite za tu bolest:
 - malignih oboljenja,
 - bubrežnih bolesti na dijalizi,
 - oboljela od tuberkuloze,
 - HIV infekcija i drugih zaraznih bolesti,
 - epilepsije,
 - sistemskih autoimunih bolesti,
 - hemofilije,
 - inzuloovisnog dijabetesa,
 - paraplegije i kvadriplegije,
 - mišićne distrofije,
 - multiple skleroze,
 - cerebralne paralize,
 - duševnih poremećaja.

VI.

Kantonalnim propisima se mogu osloboditi od participacije i druge kategorije osiguranih lica, s tim da će se tim propisom utvrditi organ odnosno institucija koja će umjesto osiguranog lica biti obaveznik uplate iznosa participacije na osnovu ove Odluke.

Osigurano lice ili organ odnosno institucija iz stava 1. ove tačke, vrši uplatu participacije prije pružanja zdravstvene usluge, saglasno postupku ostvarivanja prava iz obaveznog zdravstvenog osiguranja utvrđenog Pravilnikom o načinu ostvarivanja zdravstvene zaštite iz obaveznog zdravstvenog osiguranja ("Službene novine Federacije BiH", broj 31/02).

VII.

U provođenju ove Odluke, upravni odbor zavoda zdravstvenog osiguranja u Federaciji, uz saglasnost federalnog ministra zdravstva odnosno kantonalnog ministra zdravstva, utvrđuje:

- vrijeme i način uplate participacije;
- način ostvarivanja prava na oslobađanje od participacije;
- druga pitanja od značaja za zakonito i pravilno provođenje ove Odluke.

VIII.

Obavezuju se zavodi zdravstvenog osiguranja u Federaciji, kao i zdravstvene ustanove da usaglase svoje propise i akte sa odredbama ove Odluke u roku od 60 dana od dana stupanja na snagu ove Odluke.

IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.

Prilog:

P R E G L E D
UČEŠĆA OSIGURANIH LICA U TROŠKOVIMA PLAĆANJA PARTICIPACIJE

Redni broj	NAZIV ZDRAVSTVENE USLUGE	Maksimalan iznos participacije u KM
1	prvi pregled kod ljekara specijaliste	5,00
2	prvi pregled kod ljekara subspecijaliste	6,00
3	ponovni pregled kod ljekara specijaliste	3,00
4	ponovni pregled kod ljekara subspecijaliste	3,00
5	kućna posjeta ljekara opće prakse	8,00
6	kućna posjeta ljekara specijaliste	10,00
7	pregled ljekara opće prakse ili stomatologa na zahtjev osiguranog lica	6,00
8	pregled ljekara specijaliste na zahtjev osiguranog lica	8,00
9	pregled ljekara subspecijaliste na zahtjev osiguranog lica	10,00
10	konzilijarni ljekarski pregled na zahtjev osiguranog lica	20,00
11	nalaz psihologa	5,00
12	psihijatrijski intervju, psihijatrijska analiza, psihijatrijska seansa	8,00
13	savjetovanje bračnog para	8,00
14	psihijatrijsko i sudsko-medicinsko vještačenje	40,00
15	specijalistička mišljenja za sud i komisije	20,00
17	Ultrazvuk uz očitavanje nalaza:	
	- gornjeg abdomena (jetra, žučni vodovi, pankreas i slezena)	10,00
	- ultrazvuk bubrega, mokraćnog mjehura i prostate	10,00
	- transrektalni ultrazvuk prostate	15,00
	- transvaginalni ultrazvuk uterusa i ovarija	10,00
	- ultrazvuk dojki	10,00
	- ultrazvuk štitne žlijezde	7,00
	- kolor dopler sonografija po segmentu: vrat-karotide, renalne arterije i periferni vaskularni sistem	20,00
	- ultrazvuk očiju	10,00
	- ultrazvuk orbite	15,00
18	ambulantno-fizikalni tretman	8,00
19	laboratorijske analize-po nalazu	2,00
20	Laboratorijske pretrage - SEKUNDARNI NIVO	
	Ca,P,Trigliceridi,potrošnja protrombina,Fibrinogen,broj eozinofila u komori,Dala,VMA,ADDIS	2,00
	APTT,spermogram,bris nosa,portobilinogen,Urokoproporfirini,klirens kreatinina	4,00
	Le ćelije	5,00
21	Laboratorijske pretrage - TERCIJARNI NIVO	
	- HbA 1C,HDL,LDL,Li u krvi ili urinu,IgA,IgH,IgG,C3C,C4,Rh faktor,Direktni Coombosov test,PSA,Helicobaciter pylori,HPG,testovi na lijekove,testovi na droge,tumori markeri	4,00
	- Mioglobin	2,00
	- Hladna antitijela,TPHA,Indirektni Coombosov test	12,00
	- Hbs AG, HIV AA	15,00
	- Topla antitijela	16,00
	- IAT + DAT	8,00 + 8,00
	- HCV AA	18,00
	- Kompletan TORCH	78,00
22	Ergometrija	20,00
23	Ehokardiografija	25,00

24	EKG - snimka	5,00
25	EKG sa očitavanjem	10,00
26	ispiranje želuca	10,00
27	pleuralna i abdominalna punkcija	20,00
28	druge punkcije	10,00
29	punkciona biopsija pod kontrolom ultrazvuka	50,00
30	Scintigrafija	
	- štitne žlijezde	20,00
	- kostiju i pluća	30,00
	- mozga i bubrega	40,00
	- srca	70,00
31	Imunoglobulin E	10,00
32	klirens PTA	40,00
33	mamografija	10,00
34	spiroergometrija	30,00
35	fonokardiogram	10,00
36	holter-monitoring za dinamičku elektrokardiografiju	20,00
37	kontrola pace-maker	20,00
38	pletizmografija	15,00
39	spirometrija	15,00
40	bronhoskopija	30,00
41	testovi na alergene	15,00
42	Rectoskopija	10,00
43	rectoskopija sa uzimanjem biopsije	20,00
44	gastroskopija	20,00
45	colonoskopija	30,00
46	Fistulografija uz očitavanje	15,00
47	elektroencefalografija (EEG)	20,00
48	endoskopski pregled, po nalazu	25,00
49	EEG + snimljeni nalaz	20,00
50	EEG maper	30,00
51	EEG u snu	80,00
52	evocirani potencijali po nalazu	20,00
53	rutinska elektromiografija	20,00
54	elektromiografija facijalnih mišića	25,00
55	elektromiografija sa elektroneurografijom	30,00
56	elektromiografija sfinktera	35,00
57	RTG-skopija pluća	8,00
58	RTG-nativni snimak po ekspoziciji uz očitavanje	5,00
59	RTG-gastroduodenuma, mikciona cistografija	20,00
60	RTG po jednoj ekspoziciji (najviše 4 ekspozicije)	3,00
61	RTG sa pasažom crijeva	20,00
62	IVU-pasaža crijeva	30,00
63	Intravenozna urografija	50,00
64	Intravenozna angiografija	30,00
65	irigografija	40,00
66	CT bez kontrasta po nalazu	50,00
67	CT sa kontrastom po nalazu	100,00
68	termografija sa termionizijom, po nalazu	25,00
69	magnetna rezonansa, po nalazu	100,00
70	magnetna rezonansa sa kontrastom	150,00

71	mikrobiološki nalaz-po uzorku	5,00
72	određivanje krvne grupe, Hb, AG, trombotest,WAR	5,00
73	koagulogram skrining, anti HIV, anti DCV, titar antitijela	10,00
74	kompletni koagulogram	15,00
75	PHD nalaz	10,00
76	laserska terapijska intervencija	20,00
77	vađenje stranog tijela iz oka	5,00
78	gonioskopija, visus, ortoptički pregled, lanometrija, fundus	5,00
79	vidno polje, perimetrija	5,00
80	određivanje i recept za naočale	5,00
81	pregled za kontaktne leće	8,00
82	hirurški tretman hordeoloma	5,00
83	sondiranje suznih kanala, tuširanje rožnjače injiciranje lijeka	8,00
84	Biomikroskopski pregled očnog dna	20,00
85	Razbijanje kamenca u bubregu, mokraćovodima i mokraćnoj bešici	150,00
86	Laparoskopska hirurgija:	
	- laparoskopska holecistektomija	90,00
	- laparoskopska apendektomija	100,00
87	Artoskopski operativni zahvati	120,00
88	Komputerska perimetrija	30,00
89	YAG laser aplikacija	30,00
90	Denzitometrija	10,00
91	biopsija kože i vidljivih sluzokoža	10,00
92	mikroskopska analiza preparata za gonoreju, gljivice ili trihinozu	8,00
93	dermatološki testovi TZANK, DNCB	8,00
94	drugi dermatološki testovi-po jednom testu	3,00
95	odstranjenje manjih kožnih tumora u lokalnoj anesteziji	10,00
96	ostale dermatološke intervencije	3,00
97	iniciranje lijeka u zglobne šupljine, PV blokade	15,00
98	ambulantno davanje infuzionih otopina	10,00
99	bris vaginalnog sekreta	5,00
100	vaginalna ispiranja	5,00
101	pregled sperme	10,00
102	citohormonalni ginekološki pregled	15,00
103	kolposkopija	10,00
104	test na trudnoću	10,00
105	stavljanje i vađenje spirale	15,00
106	iseminacija	50,00
107	biopsija cerviksa	30,00
108	eksplorativna kiretaža	30,00
110	ispiranje uha, lokalna terapija vanjskog uha	5,00
111	hemostaza kod ekscizije zuba	5,00
112	laringoskopija	5,00
113	audiogram, vestibulogram	8,00
114	imobilizacija luksiranih zuba, incizija abscesa	10,00
116	zadnja nosna tamponada	15,00
117	ezofagoskopija	20,00
118	ambulantna obrada rana	10,00
119	ambulantna obrada većih rana	15,00
120	ambulantni operativni zahvati u anesteziji	20,00

121	previjanje rana	5,00
123	obrada većih opekotina	15,00
124	kateterizacija uretre	10,00
125	šivanje rana i manji zahvati u lokalnoj anesteziji	15,00
126	lumbalna punkcija	10,00
127	kompresivna terapija - po seansi	20,00
128	sklerozacija vena	20,00
129	sklerozacija hemoroida	20,00
130	bužiranje uretera	10,00
131	cistoskopija u lokalnoj anesteziji	20,00
132	interna uretrotomija u lokalnoj anesteziji	25,00
133	stavljanje stenta u ureter (ne uključuje cijenu stenta)	30,00
134	citostoskopija uz vađenje uretre, bešike, stavljanje sonde	25,00
135	frakcionirano davanje seruma	26,00
136	operacija atheroma, madeža, clavusa u lokalnoj anesteziji	20,00
137	stavljanje gipsane udloge	15,00
138	stavljanje manje gipsane udloge	10,00
139	stavljanje veće gipsane udloge	20,00
140	skidanje gipsa	5,00
141	repozicija iščašenja, skidanje osteosinteze	20,00
142	stavljanje šancove kragne	10,00
143	ortopedske punkcije i incizije	10,00
145	svi drugi navedeni operativni zahvati čija indikacija nije hitna 5% od utvrđene cijene	5% plaća osigurano lice
147	vađenje zuba	5,00
148	popravka jednog zuba	5,00
149	liječenje zuba - po intervenciji	3,00
151	odstranjivanje zubnog kamenca kod stomatologa	5,00
152	lijekovi sa Liste lijekova Zavoda kada je učešće Zavoda u nabavci lijeka 100% - po receptu	1,00
153	Lijekovi i medicinsko-sanitetski materijal koji se izdaje na recept	0,50
154	bolničko liječenje	
	- za svaki BO dan do 15 dana postoperativno	10,00
	- za svaki BO dan do 15 dana	8,00
	- preko 15 dana za svaki BO dan	5,00
155	nastavak bolničkog liječenja i rehabilitacije u stacionarnoj ustanovi za svaki BO dan	10,00
156	boravak u bolnici za majku pratilju uz dijete starije od 1 godine, a na zahtjev majke za svaki BO dan	20,00
157	korištenje prevoza sanitetskim vozilom	
	- do 40 km	10,00
	- od 41 do 80 km	20,00
	- od 81 do 100 km	20,00
	- od 101 do 120 km	50,00
	- preko 120 km	100,00
158	Liječenje u prirodnom lječilištu, ako je to liječenje odobrila ljekarska komisija zavoda, razliku iznad dolje utvrđenog iznosa plaća osigurano lice:	
	- fizikalnog tretmana - dnevno	9,00
	- kardiološke rehabilitacije - dnevno	10,00
	- nepokretnih bolesnika	13,00
159	Koronarografija	100,00